

	1/2/3 bilik	4 bilik	5 bilik	Eksekutif
Rawatan Anti-Gelincir	\$11.85	\$17.80	\$23.75	\$29.70
Palang Pemegang				
A) Tandas pertama	\$25.90	\$38.85	\$51.80	\$64.80
B) Tandas kedua	\$15.10	\$22.65	\$30.20	\$37.80
Tanjakan				
A) Satu anak tangga	\$14.00	\$21.05	\$28.05	\$35.10
B) Mudah dialih	\$37.80	\$56.70	\$75.60	\$94.50
C) Dikhususkan 2-3 anak tangga	\$86.40	\$129.60	\$172.80	\$216.80
D) Disesuaikan (>3 anak tangga)	\$216.00	\$324.00	\$432.00	\$540.00
Alat mengangkat kerusi roda	\$297.00	\$445.50	\$594.00	\$742.50

Pelbagai langkah sokongan dilancarkan bagi membantu warga emas - terutama sekali mereka yang tinggal sendirian - untuk menjalani kehidupan yang lebih selamat dan menjalani proses penuaan dengan baik. **Berita Minggu** senaraikan beberapa langkah yang telah dilaksanakan ke arah tujuan tersebut.

1 Program Peningkatan bagi Warga Emas Aktif (Ease)

- Sebahagian daripada usaha pemerintah menjadikan flat Lembaga Perumahan dan Pembangunan (HDB) dan kawasan perumahan lebih mesra warga emas.
- Di bawah program bersubsidi, Ease, pemilik flat boleh memasang beberapa kemudahan untuk membantu dalam pergerakan mereka berdasarkan keperluan

*Rawatan Kalis Gelincir

- Untuk tandas/bilik mandi bagi memastikan lantai tidak terlalu licin



*Tanjakan (Pintu masuk flat atau dalam flat)

- Tanjakan bertujuan untuk flat HDB lebih lama yang mempunyai lebih daripada tiga anak tangga di pintu masuknya. Tanjakan akan dipasang mengikut konfigurasi pintu masuk dan ruang unit, tertakluk kepada penilaian tapak.



*Palang Pemegang

- Palang yang dipasang di tandas bagi memudahkan warga emas berpaut dan bergerak dengan lebih mudah



2 Program 'Live Well, Age Well'

- Program kebangsaan bagi mendorong warga emas meningkatkan dan mengekalkan kesihatan mereka pada usia yang lanjut.
- Dikendalikan Lembaga Penggalakan Kesihatan (HPB), Persatuan Rakyat (PA) dan Pusat Penuaan Aktif (AAC) sebagai sebahagian daripada Pelan Tindakan Penuaan Berjaya Singapura.
- Untuk memastikan warga emas di sini dapat bekerja lebih lama serta kekal berhubung secara sosial.

3 Program pendamping atau 'befriender'

- Program ini dikendalikan beberapa pertubuhan amal bagi memastikan warga emas dan golongan yang memerlukan di kawasan tersebut mendapat bantuan fizikal dan emosi yang diperlukan.
- Skim Pendamping Masjid-Muis dilancarkan 15 tahun lalu bagi mendampingi penerima zakat termasuk golongan warga emas dan pesakit kronik.
- Program ini melibatkan seramai 500 sukarelawan atau 'befrienders' yang telah menjalani latihan untuk melakukan tugas mereka dengan baik.

